

讚道

造物悠揚氣勢雄三光日夜轉鴻濛冥冥會
合陰陽秀矯矯神奇幻化叢春去秋來生殺
異天長地久古今同靈臺有箇真消息未悟
那堪性不通

達士

隨機接物外同塵應變無方內入神心地出
離三界若洞天游賞四時春金丹大藥經年
久大藥交梨逐日新一服定超生死海不知
誰是有緣人

靈虛觀賞梨花

妙景從來說武官周天迴幹暮春看千株白
錦疑霜雪一派香風吐麝蘭羽客徘徊異月
榭高真依約下星壇神功暗結靈虛秀化作
無邊碎玉團

舊遊

秦川渭水好行程不問長亭及短亭西嶽雲
開仙掌白南山雨過佛頭青丹霄鬢髮舒晨
彩碧岫參差列畫屏海上交朋聞我道虛心
側耳盡來聽

磻溪集卷之一

友二



磻溪集卷之二

友二

七言絕句
模霞長春子丘葵撰

關中土民純質嚮善者其聚道門尚
七釋氏轉八每至年交各大集其衆

午後於聖前禮誦經懺謂之禮正至
一月終方畢

雪霽春光顯太平風和日暖倍鮮明高歡合
會休懷悶大黃圓焦作禮正

答樊生

莫問天機事怎生唯修陰德念常更人情反
覆皆仙道日用操持盡力行

劉二道友索其人愛飲酒奕棊
歡來日飲千鍾酒靜處時捋一局碁白髮流
年當遠鑑紅塵鬧事莫多知

警涇陽強居二首

隋何陸賈總歸空千古惺惺一夢中爭似忘
機合著口潛心捉住九天風
百年萬事一場空急景渾如過隙中浮世奈
何人不悟癡心剛待撮春風

寄楊五信士

題詩欲寄紙還無檢校文得故書書復殷
勤題一絕獨君行善莫踟躕

還楊五所惠紙扇

謝公惠我白芭蕉山谷多風不用招城市炎

天無爽氣請君執捧自閑搖

答喬生彼新夜偶欲休心入道

物外歸心絕大魔關中違與益高歌靈臺著
慾於今少健骨乘風已後多

題楊五紙扇

突兀高峯上倚天巉巖絕壁遠合煙披襟自
古萬陽客傲世從來華嶽仙

題王生紙扇

自愛寒天夏日長誰憎酷暑火雲昌三焦毒
熱多年盡一握清風萬古涼

題喬生紙扇

炎炎赤日火雲飛路上行人汗浴肌碧洞深
山無事客優游松下正研茶

題王二紙扇

蕤賓節後轉加炎毒熱薰蒸無處潛唯有長

春碧巖洞清涼終日自安恬

題周道全紙扇

谿風颯颯如霜下澗水冷冷似雪翻盡日殊
無勞役重何時更有鬱蒸煩

題龐氏藤扇

纖纖妙理纖銀絲習習輕風散玉姿秋後雖
然風運爽待君應也不多時

灤裏陳氏草堂

茅堂高結半原陰喬木參差翠竹深車馬不
聞名利遠安閑終日好棲心

段生放棹值水漲漂沒空身還歸

段生放棹下西山時值波濤盡出關回首無
心怨河伯高歌且喜脚輕還

飛仙

蓬萊方丈及瀛洲三島神仙一處游混合九
天無罅礙飛騰八極信周流

鍾呂畫

無我無人性自由一師一弟話相投談經演
法三山坐駕霧騰雲萬里游

景福山居二首

虎嘯烈風潛獸愕魔交長夜睡魂驚何時撲
直道心顯慧日開張天眼明

景福淹沉人事少龍門闕渡虎溪清時聞結
果加宅語似聽鈞鞞格磔聲山間一種紅鐘
入山無擇者戲語以雪安也下
去轉之鈞鞞格磔鳴鳥聲也

迷懷四首

我道欲求神自放龍門時復虎相干山頭烈
火三冬熾澗底陰風五月寒

清虛妙理橫天下大橫溥風滿世間至道有
名那見實通人無語自知還

入道根源唯自許出塵消息有誰知南華始
遇逍遙樂北海終投汗漫期

野鶴孤雲閑活計清風明月道生涯千山磊
落收雲氣四海光明耀日華

隴州楊氏携月桂栽見訪四首

汨沒塵埃甚可憐追隨俗態幾經年偶因上
士遊山水得遇高真伴聖賢

一枝孤秀倚寒山四海群芳懷醜顏若遇清
風佳氣會天香飄落滿人寰

遊初稟氣得真詮續艷聯芳似火傳世上百

花難違月人間唯此可窮年
樹密山高隱地蟠風多露少怯天寒他時復
向檐宮裏五嶽雲收四海觀

放鴈

放去欲齊支遁鶴籠歸寧傲右軍鴉雖符莊
子能鳴義恐學茅君著愛魔

隴州堂下清夢軒

清夢軒中清士居清閑高卧養真如真如養
就清無夢無夢清寂樂有餘

答隴州蕭防判書召因事別隴山過

亭川居士灰寺盤桓數日趣起未決
公書忽至欣然乃還

俄聞寵命發汧涯便欲安閑卧隴西黃鶴不
思千里舉白雲猶戀故山樓

自亭川回路次望龍門山

南望龍門一谿開東遠鶴馭再頭迴深知此
域因緣重未許他方道德該

答曹王妃休休道者書名

山潛洞壑非高尚自揣襟懷寔蔽蒙無益虛
名相混雜不教閑坐養百聾

答京兆統軍夾谷龍虎書名

休休道者方歸去赫赫王侯又到來自愧中
心無道術空教外跡播塵埃

贈雲外子孫可道西州行化

歷歷西州向道多道人行止足乖訛公當策
蹇尋山郡糾察無令外道魔

寄扶風榮宰

原心自得魚鱗大用指何妨馬骨高居室有
識運可信下堂無智亦徒勞

惻隱

狗病無人煎粥湯驅寒倒地四肢殞為人不
解修陰德轉殺何由免禍殃

下手遲

日月忽忽頂上飛光陰忽忽眼前移回頭返
顧即成老下手速修猶太遲

聰明

修行大抵要聰明祗恐聰明向外呈外假內
真兩相趁一邊敗後一邊成

棄本逐末

一念無生即自由千災散盡復何憂不堪下

劣衆生性日夜奔馳向外求

進呈世宗皇帝

九重天子人間貴十極仙靈象外專試問一
方終日守何如萬里即時奔

答寧海書名

雲滿群山路不通天教車馬不西東可憐寧
海官民意自斷西山一望空

聞詔起玉陽公戲作

三竿紅日自由睡萬頃白雲相對閑只恐虛
名動華闕有妨高枕卧青山

春晚登眺

殘花冉冉飛紅雨落日依依散白毫遠望西
山官墩子倚天孤聳一拳高

春寒

海上春風日日顛山頭春色幾時妍清明過
了朱明近未有紅芳到眼前

陽九百六

劫運天災不可當高真上聖救無方直須受
盡豐年孽弄得昇平入道場

公山余鄉公山之陽故作是詩

公山隱隱插蒼宮松影森森鎖碧空頂戴松
花喫松子松溪和月飲松風
松風習習透松煙習習松煙散九天天外輕
盈籠萬象交光日月共迴旋
千尋瀑布清明秀一派嵐光氣勢雄時被祥
風吹作雨瀟瀟漠漠灑虛空
青城華嶽與天台怎比吾山至大哉一簇峯
竊千萬仞威儀具不讓蓬萊
公山高隱白雲宮宮壓公山第一峯峯上白
雲飛不斷悠悠來去惹青松
參差山色有無中半入幽溪半入空依約天
涯尋不見飄飄常被白雲籠
公山自古白雲多結蓋層層入大羅出沒群
仙常不見雲中唯聽洞仙歌
仙歌縹緲入公山漸入公山太一壇壇上諸
仙安樂鼎時時燒出大還丹
撞開天漢拂星辰獨坐蟾宮抱日輪夜牧靈
龜朝引鶴飢餐松實冷披雲
山頭點起一輪燈天下妖魔盡不生唯有堂
堂國學士松間獨弄寶珠行

公山春

閑遣青龍轉月華同驪白虎種黃芽黃芽欲
發雷霆震迸出青龍白虎牙

公山夏

陽光潑潑火雲凝海底蛟龍即上昇偏撮山
頭三伏暑却教化作一團冰

公山秋

雲興霞燦映天衢松密山高壓地闊絕頂崢
嶸人不到昭昭獨放月輪孤

公山冬

同雲漠漠雪霏霏凜冽寒風刮地威吹起山
中無限景瑤花瓊蕊滿天飛

東萊即墨之牢山三圍大海背俯作或

平川巨石巍巍群峯峭拔真洞天

福地一方之勝境也然僻於海曲舉

世鮮聞其名亦不佳予自昌陽縣罷

抵於王城水真觀南望煙霧之間隱

隱而見道衆相邀延數日而方屆

遂開吟二十首易為蒼山因清暢道

風云耳

卓犖蒼山出海隅雲微雲秀滿天衢群峯削

蠟幾千仞亂石穿空一萬株

道祖二宮南鎮海謂上清宮大明三峯北當

途謂太平興國是知物外仙游境不向人間

作畫圖

初觀山色有無時十日遷延尚未之咫尺洞

天行不到空餘吟詠滿囊詩

浮煙積翠遠山城疊嶂層巒畫屏造物建

標東枕海雲舒霞卷日冥冥

三圍大海一平田下鎮金鼇上接天日夜潮

頭風輟雪彩霞深處有飛仙

佳山福地隱仙靈萬壑千巖鎖洞庭造化不

教當大路為嫌人世苦膾脛

牢山本即是蒼山大海中心不可攀

上帝欲令修道果故移仙跡近人間

重崗復嶺勢崔嵬照眼雲山翠作堆路轉山

腰三百曲行人一步一徘徊

松巖鬱嶮瑞煙輕洞府深沉氣象清怪石亂

峯誰變化巨初開闢自天成

因持翰墨寫形容涉彼高崗二十重南出巨

平千萬疊一層崖上一層峯

四更山吐月猶斜直上東峯看曉霞日色麗

天明照海金光射目眼生花

天柱華巍巍獨建標上穿雲霧入青霄不知

日月星辰謝但覺陰陽氣候調

洞有佳名號白龍洞也不知何代隱仙蹤至今

萬古人更變猶自敬巖對老松

洞有仙名喚老君洞神清氣爽獨超群憑高

俯視臨滄海守靜安閑對白雲

華蓋真人宋太祖時得道者也上碧霄道山從此鬱清

標至今絕壁幽巖下尚有群仙聽海潮

修真野客非才子行到蒼山亦有詩只欲洞

天觀海日不勞雲雨待青詞

白髮蒼顏未了仙遊山斲水且留連不嫌天

上多官府只恐人間有俗緣

修真却似上山勞脚難移步步高若不志

心生退息直趨天上摘蟠桃

盤山三面海浮空日出扶桑照海紅浩渺碧

波千萬里盡成金色滿山東

山川皆屬道生涯萬象森羅共一家不是聖

賢潛制御乾坤那得久先華

可歎巍巍造化功山河大地立虛空八荒四

海知多少盡在含元一氣中

大安己已膠西醜龍道衆相邀再遊

齋山復留題二十首

上清宮十首

醜龍歸來訪道山山深地僻海灣環棹船即

向波濤看化出蓬萊杳靄間

群峯峭拔下臨淵絕頂孤高上倚天滄海古

今吞日月碧山朝夕起雲煙

青山本是道人家況此仙山近海涯海闊山

高無濁穢雲深地僻轉清嘉

怪石嵌空自化成千奇萬狀不能名斷崖絕

壁無人到日夜時聞仙樂聲

晚日曛龍漸起雲山色慘澹不全真直須更

上山頭看似駕天風出世塵

巨石森森嶺上排巔峯岌岌到無階三秋水

凍曾冰結九夏雲寒疊雪霽

海上觀山勢轉雄清高突兀倚虛空朝昏磊

落生雲氣變化皆由造物功

陝右名山華嶽稀江南尤物九華奇蒼山下

枕東洋海秀出山東盡不知

重重疊疊互相遮簇簇攢攢競開嘉眼界清

涼心地爽神仙自古好生涯

五嶽曾經四嶽遊群山未必可相倚只因海

角天涯背不得高名貫九州

太清宮十首

煙嵐初別上清宮曉色依稀路徑通纔到下

方人未食坐觀山海一濛鴻

雲煙慘澹雨霏微石洞留人不放歸應是洞

天相顧念一生嗟我到來稀

雲海茫茫不見涯潮頭只見浪翻花高峯萬

疊連雲秀一簇圍屏是道家

松風澗水兩清幽盡日清音夜未休野鶴時

來應不倦聞人殺去更相留

溪深石大更松多鬱鬱蒼蒼道氣和不是歷

年樵採衆浮雲蔽日滿巖阿

貫世高名共切雲遊山上士獨離群仙御貴

重三茅客任族尊榮萬石君

西山仰視刺天高山上仙家種碧桃桃熟幾

番人換世洞中秦女體生毛

清歌窈窕步虛齊月下高吟鳳舞低談笑不

干浮世事相將直過九天西

煙霞紫翠白雲高洞府群仙醉碧桃鼓透碧

巖雷電鼓滿山禽獸盡呼號

道力神功不可言生成萬化獨超然大山海

嶽知輕重沒底空浮萬萬年

八月十日自昌樂縣還濰州城北王

清觀作中秋詩十五首

西縣東來至玉清金風一掃暮天晴開懷便

賞中秋月只恐臨時時不明

萬木西風徧九州最先一夜向西流出塵爽

氣清人骨是處歌歡不解留

初離海嶼有餘清為國歡心賀太平但願寶

光無隱翳不教天質有虧盈

渾金鑲玉上天橋抱雪凝霜耀太虛四海百

川無不鑿群生萬象若安居

一片清光萬里開無分茅屋與樓臺家家盡

得開外賞更有清風助快哉

有客徘徊望太虛開尊喜欲嘗蟾蜍光不

解留人意澹澹青霄只自如

金波晝夜不曾闕淡蕩清輝出海山素魄高

昇游物外恩光下照滿人間

碧漢崢嶸自有期天光照耀本無私却憂下

土昏魔重不見金輪出現時

團團皓月挂空虛百鍊青銅鑑不如一切水

中皆影現群魔摘膽盡消除

桂影朦朧下照人縱橫萬古不知因何當路

鶴雲霄上俯視青天白玉輪

雲去雲來不暫停朝昏恍惚變陰晴今宵幸

對輝煌質創作新詩暢道情

年年此際歡生多連葉彌天不奈何幸謝吾

皇嚴禁切都教性命得安和

聖主登基萬物安仁風誠教自朝端邦君士

庶皆修德好放蟾光與東君

靜夜迢迢起黑雲東生無分樂天真空中自

是雲遙度天外何曾月過人

百歲光陰瞬息間中秋幾度得開顏不如鍊

性如秋月是胡身心自在閒

磻溪集卷之二

磻溪集卷之三

棲霞長春子丘處機撰

青天歌

青天莫起浮雲障雲起青天遮萬象萬象森

羅鎮百邪光明不顯邪魔王

我初開廓天地清萬戶千門歌太平有時一

片黑雲起九靈百骸俱不寧

是以長教慧風烈三界十方飄蕩徹雲散虛

空體自具自然現出家歲月

月下方堪把笛吹一聲響亮鎮華夷驚起衆

方王童子倒騎白鹿如星馳

遠遊別轉一般樂也非笙簧也非角三尺雲

璣十二微歷劫年中混元斷

玉韻珠琅絕鄭音輕清徧貫達人心中我從一

得鬼神輔入地上天起古今

縱橫自在無拘束心不會禁身不辱開唱盡

中白雪歌靜調世外陽春曲

吾家此曲皆自然管無孔兮琴無絃得來盡

覺浮生夢重夜清音滿洞天

吟六首